



经典再翻拍

《西游记》係中国小朋友最熟悉不过嘅IP，陪伴咗唔知几代人长大，细个可以睇动画，大个咗就关注真人版影视作品，各种新编新创睇到不亦乐乎。大家等等都等不到周星驰《美人鱼2》，却惊喜得来咗由佢监制嘅《美猴王》动画电影。故事延续经典嘅马骝仔大战妖魔鬼怪剧情，期间佢仲认清自己，成为励志嘅榜样。新版马骝形象被唔少人吐槽，但当网友翻出星爷嘅《大话西游之大圣娶亲》中嘅look出嚟做比较，发现又有奇妙嘅相似之处。经典IP值得翻拍再翻拍，加上有星爷出手，个中嘅惊喜真係要睇过先知。

英雄玩联盟

《闪电侠》可能係好多男仔嘅偶像，电影版确认引进之后受到大家高度关注。集动作、科幻与冒险于一身嘅经典IP，讲述嘅係闪电侠回到平衡宇宙拯救母亲嘅故事，当遇到麻烦嘅时候，女超人、蜘蛛侠等同样爱好正义嘅英雄朋友仔，就梗係两肋插刀出来帮拖啦。典型嘅英雄联盟打怪兽情节虽然有少少套路，但欧美电影特效制作永远唔会令人失望，高规格电影效果都应该可以值回票价。虽然冒险类剧情看似热血激烈，但睇过提前试片嘅朋友都话，见到闪电侠与时空赛跑嘅场景，依然会被温馨嘅感觉融化，最经典嘅画面就係平行时空中，蜘蛛侠、女超人、闪电侠两两相遇，热血不失温情。

细个嘅hero梦续费了!

每个人细细个就开始有英雄梦，睇动画大片嘅时候，成日都幻想自己能能量满满。最近唔少大家童年嘅经典英雄形象电影，都被引进或者重拍，齐天大圣、闪电侠、蜘蛛侠拍埋新晋偶像“水火不容”CP连翻出击，究竟边个係你嘅dream hero咧!

郭玮/文 官方海报、剧照/图

水火新交融

继《疯狂动物城》后，迪士尼又再疯狂，推出以水、火、土、气四大元素为主角的《疯狂元素城》。动画中构建一个各种元素和谐共处嘅新世界，而电影中“城市”的构建则细腻到每个角色身上：秃头土元素大叔被水先生嘅喷嚏溅到，就会瞬间头草萌生，水少女有浴缸专座，但刹车躲避不及就会令物品溶于水，气元素阿姨轻盈，轻松就可以飘在半空……各种元素原本各有精彩，偏偏热情嘅火就遇上柔情嘅水，原本水火不容点知两者坠入爱河。两位元素为爱可以去到几尽，后面火会被水淋熄，定係水被火烤干，为情变英雄互相救赎，定係自身难保要各自飞，听讲剧情搞笑又sweet，值得一去疯狂一下嘅。



Chok爆盘丝洞

凡人被蜘蛛咬完变英雄嘅故事，令小朋友嘅童年不再害怕昆虫，但蜘蛛吐丝飞檐走壁嘅故事已经显得老土。而《蜘蛛侠：纵横宇宙》就颠覆传统，召集一大班“蜘蛛精”埋堆玩群P，蜘蛛侠2099、蜘蛛女、印度蜘蛛侠、朋克蜘蛛侠等等，大蛛小妹落玉盘嘅空前阵容，各种身体绝技嘅新晋蜘蛛精悉数登场，玩转多元宇宙平衡空间嘅冒险大行动。作为一部动画电影，片中运用咗好多时下潮人中意嘅街头涂鸦、摇滚等元素，同传统嘅超级英雄设定相比更有赛博朋克味，斋睇预告都觉得佢个全新概念嘅“盘丝洞”。



生性

sang1 xing3

“生性”一词，在不同方言中，有着不同的释义。在普通话中常作名词使用，指天生的性格，即天性、秉性的意思，如“生性纯良”。而在粤语中，一般就用作形容词，指懂事、乖巧、听话。在广东地区，每逢新年或者细路过生日的时候，长辈经常对细路讲：“又大一岁，要生性啦。”（长大一岁要懂事了）。以此来表示长辈对晚辈的嘱托。

造句：阿花出咗名生性，读书成绩好，人仔细就开始帮手做家务。

咩鬼

wai1 gwei2

“咩鬼”，也常常写作“哇鬼”，指吵闹的人，多用于形容细蚊仔。唔讲唔知，广东人原来同“鬼”都好friend下嘅，“鬼”字在广东话中占据着非常重要的一席之地。佢可以係语气助词，如“麻鬼烦”，可以表示“非常、十分”的程度，如“鬼咁靓”，可以做名词后缀指特定的人群，如“孤寒鬼”（指小气的人）；仲有“阎罗王招工，搵鬼做”等好多有趣的歇后语添。

造句：喺图书馆一定要保持安静，咪做乞人憎嘅咩鬼啊。

扭纹柴

neo2 men4 cai4

形容脾性古怪、爱哭闹的人，粤语里往往会称之为“扭纹柴”。旧时，大家煲水食都係靠烧柴，一般上山斩伐或者由柴铺购入的柴，都需要再劈开下，木纹顺直嘅柴枝容易破开，而木纹扭曲嘅柴枝则非常难破，柴刀容易卡在枝节上。引申其意，后来人们便用此指代难以相处或爱找麻烦的人，尤其係顽劣、不听话嘅细蚊仔。其同义词仲有“扭计少爷”“扭计祖宗”等，亦係好常用到。

造句：小明正一扭纹柴，日日食饭要人追住喂，点教都唔听。

细路埋堆

糖妹陪你过六一!



金回罗

gem1 boi1 loi1

对于啲啲家中最受宠爱的宝贝们，我哋通常就会叫佢做“金回罗”。呢个词原意係指古时用来盛装美酒的金制酒器，后来，被用嚟形容受万宠爱于一身的细路。而随着时代变迁，该词的指向性也变得宽泛，都可以指老师眼中的乖学生、老板心中的得力助手等等。另外，大家亦时常听到俗话“心肝旋，蜜糖埋”形容心肝宝贝，呢个词在679期《可乐生活》中有分享过，大家记得去温功课啦。

造句：佢哋屋企年纪最嘅，正所谓“糖仔糖心肝”，大家自然当然晒佢“金回罗”。

甩绳马骝

lei1 xing4 ma5 leo1

在广府地区，大家会将猴子称作“马骝”，係沿用咗汉语古音和古称。马骝仔聪明、机智，而且活力十足，喜欢活蹦乱跳，所以好多人会用佢比喻活泼好动、调皮捣怪的小孩，有一定亲昵意味，不过有时亦带贬义。而俗语“甩绳马骝”，则比喻非常调皮而难以约束的孩子，好似本来用绳绑住的马骝，挣脱了束缚，因为冇人管、尽露本性，上蹿下跳，四处捣蛋。

造句：明仔成日坐唔定，一到放假就好似只甩绳马骝咁周围闹，佢爸爸妈妈都好头痛。

松毛松翼

sung1 mou4 sung1 yig6

广东话中时常用到“得威”一词，形容人洋洋得意的状态，如果想描述得更加有画面感，我哋会用“松毛松翼”。呢个词形容人高傲、嚣张嘅得威样，就好似鸟类昂首挺胸，将身上的羽毛、翅膀松开晒，俾咪好生动形象咧！广东话中仲有个词叫“有毛有翼”，原意係指鸟类羽毛丰满、翅膀硬了，可以自立门户，比喻人有自己的思想不听父母劝说，常出现在父母责骂子女的情境。两个词生得好似样，但意思唔多一样，用啲阵记得搞清楚啦。

造句：人哋赞你两句就松毛松翼啦？唔好喺度识少少就扮代表啦。

陈祉伶/文、图
糖妹、郭玮/模特